

BOSNA I HERCEGOVINA  
PARLAMENTARNA SKUPŠTINA  
PREDSTAVNIČKI DOM

**Komisija o pitanjima ljudskih prava, imigracije izbjeglica i azila**

**Broj: 01/5-2/99.**

**Datum: 09.02.1999.g.**

**Z A P I S N I K**

Sa Druge sjednice Komisije o pitanjima ljudskih prava,  
imigracije, izbjeglica i azila

Druga sjednica Komisije o pitanjima ljudskih prava, imigracije, izbjeglica i azila održana je 09.02.1999. godine.

Sjednici je prisustvovalo 6 članova – Abdurahman Malkić, Mediha Filipović, Smail Bećirbašić, Branislava Jovanović, Ana Havel i Ivo Mijačević. Odsustvovali su članovi Sejfidin Tokić, Mara Perkanović i Miodrag Deretić.

Ispred Ministarskog svjeta BiH sjednici je prisustvovao g. Sead Hodžić.

Na predlog predsjedavajućeg Komisije, g. Abdurahmana Malkića, za Drugu sjednicu je usvojen slijedeći

**D N E V N I R E D:**

1. Usvajanje zapisnika sa Prve – konstitutivne sjednice Komisije,
2. Razmatranje Zakona o državljanstvu BiH i
3. Razmatranje Predloga zakona o izmjenama i dopunama Zakona o imunitetu.

Ad – 1:

Na zapisnik sa Prve – konstitutivne sjednice Komisije primjedbu je dala g. Ana Havel, naglasivši da u zapisniku treba navesti imena članova Komisije koji su prisustvovali sjednici.

Uz prethodnu primjedbu Komisija je jednoglasno usvojila Zapisnik sa Prve – konstitutivne sjednice Komisije o pitanjima ljudskih prava, imigracije, izbjeglica i azila.

Ad – 2:

Na početku rasprave o Zakonu o državljanstvu, predsjedavajući Komisije je napomenuo da Komisija, prema Privremenom poslovniku, nema pravo da podnosi amandmane. Zatim je predložio da se sugeriše da se što prije pripremi i usvoji stalni poslovnik Predstavničkog doma, kojim će se razraditi nadležnosti radnih komisija i, između ostalih, ugraditi i odredbu da i komisije imaju pravo da podnose amandmane na zakonske predloge koje razmatraju.